

黔陽縣志卷四十八

節婦傳 待 旌一

袁氏向本仁妻年二十六而寡苦節自持撫姪忠熙爲夫後教育成立守節五十年七十六歲終

潘氏唐學勤妻年二十五夫死無子氏矢志靡他事病姑以孝聞撫姪承嗣守節四十八年七十三歲終

粟氏易良燾妻年二十八夫故子紹錡甫生五日氏茹哀育嗣善事舅姑勤儉自勵守節四十八年七十六歲終

吳齊雲楊昌紹妻年十七于歸三年夫故僅遺一女氏矢志守節姑憐其青年促再醮至挾刃求死議乃寢撫從子才鏞爲後氏性嚴正寡言笑事姑最孝年五十四歲終守節三十四年

曾氏黃思階妻年二十六而寡家三次火災氏以紡績終翁姑之

黔陽縣志 卷第四十六

節婦三

養喪葬如禮三子皆成立守節五十一年壽七十七歲

段氏李若崑妻九歲適李年二十四而寡初夫病勞瘵氏去膏沐調藥餌夜常不寢三年如一日疾劇氏志在殉死夫微窺之勉以

撫嗣承祧爲重及從子崇英生遂爲繼時家族鄰里常諷再醮氏峻辭屢拒由是無敢私語者教子有義方少違必稱父戒之守節

二十六年五十歲終

蔣氏田玉璿妻年十七歸田初未歸玉璿患癱廢奄奄一息願退婚氏矢靡他歸侍湯藥年餘夫死氏欲以身殉舅姑多方慰解爲

撫子承嗣貞心苦節守四十六年終

陽欽秀楊興北妻年二十與北歿守節五十六年七十六歲終  
蔣氏黃思魁妻年十九歸黃月餘而寡撫姪如銑爲嗣數年銑亦

亡氏苦節終身歿年五十九歲



向氏張興簡妻年二十八夫亡子幼氏撫孤持家竭盡心力年七十七歲終

蔣氏向禮品妻庠生蔣必發女年二十八品死氏嘔血飲泣矢志靡他家貧無嗣依母家日夜紡績積錢百餘緡捐入向氏祠爲夫祀費年七十歲終

楊氏蔣仲昫妻年二十夫亡無嗣撫子承祧數十年人罕見其面鄰里莫不敬畏五十五歲終

胡氏楊進貴妻年二十夫亡遺孤二氏訓子殷勤持家勤儉歿年七十八歲

秦氏庠生胡堯妻年二十而寡竭力養孤以義教子茹茶飲冰四十餘年壽七十六歲

蔣氏胡士昌妻年二十五士昌歿矢志靡他事翁姑孝養無虧撫

黔陽縣志

卷第四十八

節婦二

二

孤慈而嚴松柏貞操人咸欽之四十九歲終

蔣氏胡位榮繼室年二十五位榮歿撫前室子如已出奉姑持家孝謹兼至五十一歲終

周氏楊成淮妻年十九子歸二年生一子成淮歿撫孤事親勤劬孝養壽終八十歲

周氏楊文約妻年二十夫故無子事翁姑曲盡其禮姑病侍湯藥日夜未嘗解帶尋以哀毀疾終年三十六歲

楊氏丁友金妻庠生楊崙女歸金數載生一子二十四歲而寡未幾子殤撫姪良朋亦旋故氏苦守不渝性堅凝衣履食息不失尺寸鄰里賢之年七十餘歲終

李氏蔣元本妻年二十歸蔣二十八歲元本歿無子家式微羣勸改醮氏不應再三言正色曰夫有母六旬將誰事耶撫姪繼邦爲



嗣仰事俯畜一身肩之始終如一五十五歲終子從九孫時瑞邑廩生

向氏李仁選妻年十五歸李二十八歲仁選歿守節四十年

姜氏危有謙妻年二十三歸危二十五歲夫故守節五十三年

周氏危有曜妻訓導周湖女夙嫻閨訓女誠無違年二十四而寡守節五十年終

王氏危成緯妻年二十四緯歿堅貞自矢撫從子元昌爲嗣已而昌亦逝氏初心不改歷節四十四年

唐氏危元春妻性賢淑凡事能持以禮年二十餘夫故壽終七十四歲

黃氏危有勳妻年二十四于歸六月有勳故矢志守貞嘯笑不苟翁老悖凡事調停有方安貧食苦人皆難之五十八歲終

黔陽縣志

卷第四十二

節婦三

三

王氏危人清妻年二十五夫故矢志撫孤母家欲奪其志遂絕跡不往訓子嚴正得蜚聲於庠守節二十五年

王氏蔣順高妻年十七歸順高二十六而寡子二均幼家貧不能自給恆勤紡績晚始小康冰霜凜凜鄉鄰稱歎咸豐六年丁卯壽八十五歲終

唐氏高應瑄妻年十七歸高生子月餘殤二十五歲應瑄病將不起氏泣請於翁姑以夫兄應璧次子如若爲繼夫尋歿氏絕而復甦者數守節三十六年

楊氏丁友泮妻年二十八歲夫歿堅貞自矢教子慈而嚴守節四十二年

楊氏丁相熙妻年二十熙歿撫姪萬年爲嗣孀居四十二年出入必嚴言笑不苟六十一歲終



蒲氏楊潔妻年十八歸潔逾年而寡家貧以紡績孝事翁姑教育遺孤克底成立年四十九歲終

危氏伍勝英妻年二十八而寡撫子爲嗣四十八歲終守節二十年

廖氏楊世環妻廩生廖用章女兄年十六歸環未一載而寡撫子爲嗣事翁姑克全孝敬遇疾病躬調湯藥晝夜不倦嘗讀書明義理每誦列女傳及節孝詩未嘗不感激奮勵姑嫂四人孀居皆受其益姪女適丁姓亦以節著年五十四歲忽沐浴更衣端坐而逝向氏欽士莊妻年二十四夫歿守節五十載子清妻邱氏年二十八子清歿撫從子爲嗣年七十五歲終姑媳並以節著

何氏張安珍妻年十九歸張生一子二十一歲安珍歿矢志撫孤終年六十二歲

黔陽縣志

卷第四十八

節婦三

四

危氏馮代織妻年十五歸馮踰年代織歿撫從子爲後家貧苦守年五十八歲終

向氏李聯芳妻年二十五聯芳歿家貧借子躬耕事姑生養歿葬不與弟姪較守節五十二載歿年七十七歲

胡氏謝富官妻年二十二歸謝二十六歲富官歿撫夫兄子堅貞爲嗣氏識字好以格言勸諭婦女翁姑年皆大耄氏約妯娌忍飢積米買物放生祈保天年皆出至誠守節十七年鄰里罕見其面年四十二歲終

曾氏楊景曉妻年二十八歲而寡家貧事翁姑以孝子二教養兼盡年七十七歲守節四十九年

陽氏楊正通妻年十六歸通踰年生一子十九歲正通歿事姑教子能孝而慈老猶日夜紡績六十五歲終守節四十六年



欽氏從九王世珠妻幼嫻閨訓年十八歸珠育二子二十四歲珠歿矢志勵節課子勤而嚴待夫族以禮族戚貧乏者告貸不少吝及家中落數十載艱苦備嘗初心不悔七十五歲終

蔣氏監生向繼釗妻年十四于歸二十五歲而寡奉姑鞠子孝慈備至守節六十一年八十六歲終

李氏監生向義亮妻生員李文濬女年十六適向二十九歲孀居撫嗣禮榮教育成立善持家政內外無間言六十九歲終

林氏向繼宜妻年十九適向二十四歲夫歿志凜冰霜時勤紡績至老不倦七十歲終

舒氏向永琴妻年二十五而寡持身淑慎克勤操作七十五歲終舒氏庠生向居仁妻年十八適向二十六歲孀居撫二子成立事翁姑克盡婦道性仁厚或見子婦言人過失必諭令緘口鄰家某

黔陽縣志

卷第四十八

節婦三

五

酣飲夜深氏歎曰縱已勞人願子孫切戒之八十五歲終

鄧氏向可欽妻年十九適向二十九歲夫歿志貞從一足不踰閭善事翁姑曲盡婦道五十九歲終

鄭氏向世需妻年二十世需歿遺孤永彪監生僅四十日氏撫養教誨得以成立八十二歲終

向氏藍嘉會妻年二十八嘉會歿撫子承祧以成夫志七十歲終向氏李文耀妻年二十歸李踰年而寡撫子承後冰心自矢履潔懷清人皆推許年八十餘終

郭氏邱良化妻生乾隆戊申十六歲歸邱年二十夫故矢志守節撫嗣承夫事翁姑孝訓子嚴正同治庚午八十三歲無疾而終

何氏黃承高妻年二十二承高歿遺孤二會伯叔析產各持門戶氏仰事俯畜備歷艱辛七十三歲終



潘氏黃啟元妻生員作良女兒也年二十一適黃逾月夫歿矢志全節逮事重闈恪恭朝夕撫一子天翁姑俱逝夫弟尙幼賴以成立乃復以其子爲繼七十一歲以無疾終

廖氏馮萬整妻年二十五喪夫撫兄子承嗣爲娶妻不育而子婦相繼逝又撫季弟子娶婦郭氏不逾年子又喪煢煢孤影姑婦相對八十三歲以無疾終

謝氏易朝映妻年二十四生子士良未週而朝映歿舅氏欲奪其志氏以死自誓事翁姑曲盡孝道治家訓孤一準禮法郡守以心如金石獎之壽九十六歲終

周氏易良良妻年二十于歸貞靜有婦道二十八歲良良歿守節五十年

楊氏易良柔妻年十八歸柔二十三而寡事親撫孤心力俱瘁生

黔陽縣志

卷第四十八

節婦三

六

以乾隆丁巳年至嘉慶甲子守節四十四年而終子紹傳爲邑名諸生

易氏蕭慎保妻年十七于歸三月而慎保死矢志不改家貧無子可撫乃居母家以女紅自給艱苦萬狀壽八十一歲終

段氏楊清妻十八歲歸清生一子年二十七夫故家貧苦節撫孤菽水承歡姑李中年目瞽衣履食息惟氏是賴竭奉數十年不倦姊妹八人均嘆不逮姑嘗曰女孝心如此異日子孫必昌也八十四歲卒守節五十七年

王氏易良侁妻年二十七良侁歿子二氏柏舟自矢居閨闈人罕識其面事親撫孤悉盡其道生以乾隆四十六年至同治乙丑八十四歲終守節五十七年

唐氏楊通性妻年二十一夫故家貧翁姑俱老氏竭力奉養十餘



年辛苦百端守節五十二年

粟氏易堯通妻年十九于歸二十八歲夫故無嗣柏舟自矢始終不易其操鄰里哀之生以乾隆丁丑年至道光壬午六十五歲終守節三十七年

楊氏易虞簾妻年十七于歸二十二歲孀居子一有鄉望皆母教成之生以乾隆辛卯年至道光甲辰七十三歲終守節五十一年唐氏易堯等妻年二十于歸二十八歲夫歿子二氏苦節不撓貞心自矢生以乾隆己丑年至道光丁未七十九歲終守節五十一年

蕭氏易良楫妻年十六于歸二十四歲孀居事姑教子不少倦怠生以康熙癸未年至乾隆丙午八十三歲終守節五十九年

唐氏易舜涵妻年十八歸涵二十五歲孀居子一氏以紡績自給

黔陽縣志

卷第四十八

節婦三

七

艱苦不易其操生以乾隆丙子年至道光庚寅七十四歲終守節五十九年

蕭氏易志計妻年二十六夫歿矢志撫孤事翁姑以孝生以雍正六年至道光元年九十四歲終守節六十八年

蕭氏易志添妻年二十四夫歿守節六十年

米氏楊材芳妻年二十二夫歿守節四十八年

吳氏楊光菊妻年二十七光菊歿家貧甘心荼苦翁姑老病孝敬有加守節五十五年終

沈氏楊萬吉妻年二十四夫故矢志撫孤事翁姑以孝聞鄰婦有憐其貧者予以衣食堅辭弗受八十一歲終

李氏楊學矩妻年二十八夫歿孝翁姑和妯娌內外無間言五十八歲終



蔣氏段汝復妻年十九汝復歿氏矢志不移足不踰閭敬事重闈撫庠生汝涵子爲嗣教養兼盡四十一歲終守節二十一年

曾氏廖汗繼室年二十二于歸五月汗沒氏矢志堅守孝事翁姑撫子爲後六十八歲終

陳氏向世萃妻年二十三世萃歿遺子女各一事孀姑孝順無虧性甘澹泊寡言笑苦節彌堅六十八歲終

姜氏向朝金妻年二十九朝金歿遺子三氏敬姑課子食蓼茹荼艱辛備歷八十一歲終次子宗鯉歲貢生

周氏向世繼妻年十八世繼歿事姑撫子克盡孝養三十八歲終守節十九年

楊氏廖恭政妻年二十恭政歿氏茹荼守貞畫荻訓子卒成其志七十二歲終子孫有聲於庠

黔陽縣志

卷第四十八

節婦三

八

廖氏傅淑楫妻生員廖勤國女以康熙三十三年生夙嫻閨訓年二十于歸三載克盡婦道會時疫流行翁姑及夫相繼歿淑楫父應太有門人黃振球與同學何生不睦誣以姦害三命嚴訊無狀黃賄諸婢使質惟侍女有美不承氏父兄忿其枉經七控大吏南臬集各官會審檢驗始白定黃罪三絞臨刑膝入土尺許見者稱快初黃倩某訟師具詞稿引毫遽有蜘蛛抱持硯失所在驚而止及檢驗時氏出獄仰天呼冤白日爲晦舟返洞庭風浪大作鄰舟盡覆獨無恙人謂有神護云後傅氏零落歸母家其侍女亦不願嫁人遂與俱老

劉氏周光蛟妻初許字未歸而光蛟歿氏聞耗奔喪死守靡他八十四歲無疾而終

王氏危人忻妻年二十四人忻歿子幼矢節自全事翁姑曲盡孝



恭善持家綜理精密七十四歲終

蕭氏易紹字妻年二十六紹字歿時翁姑俱逝惟夫祖母存氏善事之守貞不貳六十八歲終

黃氏楊桂芳妻年二十八桂芳歿矢志守節七十歲終

黃氏馮有爲妻年二十四守節四十一歲終

黃氏潘尙鍾妻年十八歸鍾逾月鍾歿翁姑屬改嫁氏矢志不貳待夫弟有子撫爲嗣仰事俯畜克盡孝慈八十歲終

危氏監生唐學泉妻年十八守節五十一歲終

向氏李登欽妻年二十三登欽歿家貧紡績度日姑目盲調護備至守節五十四年終

楊氏向永浩妻年二十二永浩歿家貧藉鋤帶度日矢志自甘八十二歲終

黔陽縣志

卷第四十八

節婦三

九

唐氏向永程妻年二十六永程歿言動以禮與妯娌日處未嘗一涉笑謔持家教子皆有法度六十七歲終

楊氏向有爲妻年十八適向未週歲而寡苦節五十餘年養老撫孤備極辛苦七十一歲終

龍氏向繼良妻年二十八繼良歿子幼家貧矢志不改姑患風癱躬自背負從無惰容山居火種刀耕胼胝食苦五十九歲終

蔣氏段汝鑑妻年二十四汝鑑歿翁繼逝喪葬如禮事姑以孝聞己酉歲饑氏采木葉草實以自奉而日勤紡績以佐菽水子二皆教以成立五十一歲終

蔣氏向景暢妻年二十六夫歿遺孤七齡氏教育成立六十八歲

終

胡氏楊廷序妻年二十一夫歿家貧姑患風疾氏服侍不怠撫嗣



承祧嘗黑夜盜入其家氏以身庇姑語盜云財物非所惜願勿傷我姑盜竟一無所犯而去人謂節孝所感六十五歲終

徐氏廖恭述妻年二十七夫歿守節二十五年終

胡氏楊燦廷妻年二十夫歿或諷以再醮氏曰吾儒家女爲儒家婦肯失節乎矢志守貞孝養翁姑子皆成立四十七歲終

唐氏庠生王繼華妻年二十九繼華歿矢志自守姑病年餘侍奉左右不假婢妾晝夜未嘗少怠訓子孫進退皆有法度以撫子述典官山東林廟守衛百戶廳 馳封恭人六十九歲終孫亦有聲於庠

周氏王述唐妻年二十八夫歿堅志守節數年夫翁述謨生子撫以爲嗣鞠育成立事庶母俱能孝謹四十七歲終

羅氏張和音妻年二十六夫歿守節三十二年

黔陽縣志

卷第四十八

節婦三

十

吳氏易紹祿妻年二十四而寡撫子女孝翁姑守節五十九年

唐氏易良錫妻年二十六良錫客死於滇家貧翁姑皆逝氏負土築冢事畢間關至滇以其骨歸子二皆以孝友聞氏守節至八十四歲終

唐氏回蘭楊興茂繼室年十六歸興茂數月而寡冰心自凜夫前室遺孤教育成立五十七歲終

周氏唐光楚妻年十四適唐二十四歲而寡遺孤一翁老姑日失明氏孝養不違恩勤備至夫弟光漢有子八女二皆氏鞠育成人翁姑憫其苦更爲撫光漢次子以慰之壽六十七歲

申氏邱章梅妻年十七歸章梅踰年生一子而梅病侍奉半載無倦容梅自度不起泣語氏以事親撫孤意言甚慘切家人皆哭氏若罔聞侍病如常踰月梅死亦無甚悲苦姊妹竊怪其忍謂不能



終守也喪葬畢孝事翁姑撫育孤子並日勤紡績足不踰闕者十餘載雖至親伯叔初不覲面亦不聞其言語譬欬喜怒哀樂何如也子稍長見母缺食指屢求其故皆不答亡何寢疾乃告以截指殉葬謂兒在襁褓不能卽從因斷指置棺中藉此以志耳言畢氣絕年三十有七歲

米氏理問銜楊正榮妾年二十五正榮逝矢志撫嗣嘗助修大莊坪觀音山兩處橋路又捐觀音庵田畝壽七十五

陽氏楊世瑄妻年二十一而寡五十六歲終

邱氏馮代霖妻年二十二歸馮未週夫故無嗣氏矢志待撫初撫夫從兒女踰年撫其子爲嗣曲體舅姑意更撫夫弟子竭力辛勤七十三歲終

蔣氏唐義榆妻年二十四夫歿矢志存孤身肩百瘁八十四歲終

黔陽縣志

卷第四十八

節婦三

十一

段氏石應羽妻年二十生子忠弼甫歲餘應羽歿守節育孤八十四歲終

唐氏石應標妻年二十四于歸年餘應標歿撫子忠璵承嗣撐持門戶貞節不渝八十歲終

唐氏易紹宰妻二十八歲夫歿育二子成立年八十九歲終

陽氏楊廷詠妻二十七歲夫故族謀再醮氏屢閉戶深匿得免姑瘋痺十餘年侍奉不懈妯娌咸倚任之母老諸子早卒迎養喪葬盡禮性仁惠鄰里貧乏者恆量力給予生以乾隆四十五年至咸豐甲寅終守節四十七年

馮氏熊化鵬妻年二十四夫故貞節自矢教子日高遊庠壽終八十五歲

田氏湯思祝妻年二十歸湯奉姑以孝聞二十九歲夫故矢志靡



他後數年撫夫翁思楫次子雲卿爲嗣紡績課讀守節三十三年六十二歲終

周氏唐廷賢妻年二十六歸唐甫三月夫故苦節自矢撫姪際春爲嗣教之成諸生壽終八十三歲

石氏唐武佳妻年十八歸唐越三年夫故無出矢志自守撫姪家忠爲嗣忠早逝更撫姪孫齊萬嗣忠兩代艱辛守節五十三年終

對氏楊大賓妻年十七歸楊二十九歲夫故矢志守節歿年五十三歲子開先太學生

馮氏欽其言妻年十九夫故孝親撫孤守節三十八年

楊氏秀蓮唐永明妻年二十四夫故守節三十八年

楊氏蔣景榮妻年二十一歸蔣八月而景榮歿撫姪明榜爲嗣教育成立守節四十二年

黔陽縣志

卷第四十八

節婦三

三

袁氏蒲啟銀妻年十五歸蒲越二年夫故遺腹生子再珍教育成立孫曾蕃衍歿年五十四歲

楊蘇古廖恭辰妻年二十一夫故矢志守五十九歲終

胡氏廖泗妻年十九夫故矢志守六十九歲終

潘氏瞿紹利妻年二十九夫故孝事翁姑教子成立七十八歲終

高氏潘亦公妻年二十夫故矢志守節壽終九十四歲

陶氏梁慶亮妻年二十九夫故守節歿年七十二歲

向氏梁上賓妻

上賓節慶亮子

年二十八上賓歿守節五十五年終一門

雙節鄉里稱之

周氏蔣光冕妻年二十五夫故撫嗣爲夫後或勸使嫁必怒斥之歿年四十三歲

梁氏趙德誠妻年二十八夫故守節七十三歲終



郭氏監生危有暄妻年二十九夫故守節壽終八十一歲

陳氏字榮娥覃俊陞妻年三十夫故子幼豪強多欺侮之氏外柔內剛苦志撐持教子孫以謹言行動勤耕讀爲先孫秀彥入邑庠歷節六十年壽九十無疾而終

羅氏楊雲序妻年二十雲序歿孀居事姑撫幼子成立壽終九十歲

何氏楊從聖妻年二十七從聖歿遺子如幾如式俱幼家貧日不再食母族勸改適氏矢志死守從祖母某獨嘉之並勸以古節烈事氏謹受教歷節五十五年終

張氏鄧賢達妻年二十九夫故撫三子成立孝養翁姑操持家務歷節四十七年終以孫文燦 貲贈宜人

危氏潘作熈妻年二十七夫故家貧撫遺孤成立艱辛萬狀歿年

黔陽縣志

卷第四十八

節婦三

三

八十歲

雷氏蔣澤厚妻年十八夫故矢志守節紡績成家壽終九十八歲  
胡氏謝興潘妻年二十四興潘歿矢志撫孤苦創家業歿年七十  
三歲子孫蕃衍

袁氏羅肇錦妻年二十六夫故家貧撫孤亨國成立備歷艱辛歿年六十二歲